

Legria en l'emprova (tenor 1 Petr. 1,6-9)


Po seigies plein legria
ei dat sin mintga via
in crap che fa tei scarpitschar,
d'emprovas sa negin mitschar.
Il crap ei survargheivels,
tiu cor ei nunvargheivels.



Ti eis bia pli custeivels,
mintgin lunsch pli prezieivels
che aur purificau el fiug,
schaziaus schi ault en mintga liug.
Sco tut ei gl'aur vargheivels,
mo ti eis nunvargheivels.



Poda che la tristezia
stgirenta la letezia,
cheu crei, supporta er l'emprova,
carezia lu in di cumprova.
Tut stgir ei gie vargheivels
mo ti eis nunvargheivels.



Sche ti en questa veta
bein creis en l'otra veta,
survegns in di grond laud e gloria
dil Fegl da Diu en semper gloria.
Tiu crer ei er vargheivels,
salit ei nunvargheivels.

Tenor patratgs da Sur Wendelin Caminada

Communiun dils malsauns: Mesjamna, ils 12– 11 – 08
suentermiezdi

Uras d'aduraziun da Numnasontga

14.00h – 15.00h Spenda/Geinas/Cons/Salums/Murschetg
15.00h – 16.00h Crest/ Tului Sut/ Val/Via principala/Via Selva
16.00 – 16.30h Davos Baselgia/Via Streia/Via Falera/ Grava
Fandreis

16.30h Viaspras e reposiziun

Gratulaziuns:

Nus gratulein a **Gion Giachen Capaul sin siu giubileum da 40 onns cant el chor baselgia. Ad Antoinette Schmid gratulein nus sin siu 20avel onn cantadura el chor mischedau.** Da cor engraziein nus als giubilars sco era als chors per gl'embellir las liturgias da nossas fiastas cun cant festiv. L'emprema dumengia d'Advent vegn il chor mischedau a dar la duida honoraziun al premurau cantadur ed alla premurada cantadura.

Il parochians selegran plinavon sil concert dil chor mischedau e lur accumpignaders ils 14, ils 15 ed ils 16 da november. Bien success e Dieus paghi per tut il temps che Vus impundis per far plascher als concarstgauns cun cant e musica.

Radunonza dall'uniun da dunnas, dumengia, ils 9 da november.

La suprastonza envida tuttas commembras sco era novas fatschas a quella sera d'egliada retrospectiva, d'orientaziun e da cumpignia. Cordial beinvegni.

Mardis, ils 11 da november celebren nus la s. Messa fundada per las dunnas defunctas dall'uniun.

La participaziun a quella s. Messa ei era in segn d'engraziament a tuttas dunnas che han tgirau e surviu all'uniun cun bia survetschs e bunas ideas per il beinesser dalla societad, da famiglia e pleiv. Nus prendein si in'unfrenda per l'instituzin da s. Lisabet.

Cun l'emprema dumengia d'Advent, ils 30 da november

entscheiva il temps da preparaziun sin Nadal. La devoziun ecumena allas 17.00h tschenta in accent d'entschatta a quei temps special. Tuts parochians, famiglias ed affons ein envidai. Lein prender il temps d'Advent sco temps d' oraziun, da spetga e da gigina.

Informaziuns per Falera

Communiun dils malsauns: Venderdis, 07- 11-08 **suentermiezdi**
Gievgia, 20- 11-08 **suentermiezdi**

Patratgs per la fiasta da tut ils sogns – Numnasontga

Nus lein engraziar a Diu ch'el ha tarmess a nus da tut temps carstgauns che han viviu ord la plenezia dalla grazia. Igl ei mai stau lev cura che Dieus dat duns e pensums specials a carstgauns. Cheu dat ei era dubis, dolurs, pitgiras, malcapientschas, odi, gie schizun torturas, persecuziun e mort. Zatgei denton han tut ils carstgauns che nus venerein sco sogns, salvau in'entira veta - era sch'ei fuva grev numnadamein la cardientscha e la premura. Cardientscha duein nus festivar e celebrar. Leutier vegn denton aunc enzatgei. La cardientscha sto vegnir veseivla ellas ovras. Ils sogns s'engaschan per Diu es buca per sesez. Els regalan lur veta e habilitads als auters. Sogns ein perdetgas dalla buontad divina en nies mund.

Sogns da nies temps : Sora Maria Bernarda Bütler, Maximilian Kolbe, Martin Luther King, Oscar Romero, Dietrich Bonhoeffer ed aunc biars auters ch'han viviu ina veta per Diu e lur concarstgauns.

Devoziun d'Advent

Sonda, ils 29 da november allas 18.00h lein nus entscheiver comunablamein il temps da spetga sin Nadal. Cun glisch, cant ed oraziun lein nus sepreparar en quels dis per esser veglionts sils fastitgs da Cristus el mund. Nus serimnein allas 18.00h sin plaz posta per quella devoziun. Cordial beinvegni a tuts parochians, affons e famiglias..

Radunonza dall'uniun da dunnas, ils 7 da november. Era novas commemoras ein cordialmein envidadas. Nus lein bugen envidar vus alla s. Messa per las defunctas dall'uniun, **mesjamna, ils 5 da november allas 19.30h.** Igl ei in segn d'engraziament allas dunnas defunctas per lur lavur ell'uniun, ella societad ed ella pleiv. Nus prendein si l'unfrenda per l'instituziun da s. Lisabet.